



EXTENSIO UNIVERSALIS JUBILÆI

14

IN URBE CELEBRATI

Anno Domini Millesimo septingentesimo
septuagesimo quinto.

A D

UNIVERSUM
CATHOLICUM ORBEM.



R O M Æ MDCCLXXVI.

Ex Typographia Reverendæ Cameræ Apostolicæ.

THE
JOURNAL
OF
THE
ROYAL ANTHROPOLOGICAL INSTITUTE
VOLUME 10
PART 1
1880

(III)
PIUS EPISCOPUS

SERVUS SERVORUM DEI

Univerſis Chriſtiffidelibus præſentes
Literas inſpecturis,

Salutem & Apoſtolicam Benedictionem.



UMMA DEI in Nos benignitate, ac ſingulari beneficio utrumque factum eſt, ut ſcilicet Anno magno Jubilæi revertente, Sacras Portas, veteri ſervata ſanctiſſimarum Cæremoniarum Religione, auſpicato recluderemus, & eaſdem certâ, conſuetâque die clauderemus. Atque illud quidem IV. Kal. Martii per Nos geſtum eſt, duodecimo nimirum die, ex quo Petri Cathedram adepti Summi Pontificatus apicem tenebamus. Hoc officium ſtatim atque ſolemne, quo Pœnitentiæ tempus acceptabile, dieſque ſalutis advenſiſſe, atque ad Divinæ miſericordiæ Theſauros Chriſtiffidelibus aditum patere ampliſſimum ſignificatur, ex humanarum rerum viciffitudine, fluxaque natura contigit, ut aliquandiu non ſine divino conſilio retardatum, Nobis reſervaretur. E vivis enim erepto San. Mem. Clemente XIV. Prædeceſſore Noſtro, qui & Jubilæum vulgaris per univerſum Orbem Pontificiis Literis indixerat, & ritè ſanctiſſimas Fores aperire in ipſo Nativitatis Domini Noſtri Jeſu Chriſti pervigilio ſtatuerat; locus humilitati noſtræ relictus eſt aggrediendi, perficiendique quod ipſe coeptum, imperfèctumque reliquit. Nos igitur per Nos ipſos ad S. Petri Apoſtolorum Principis Baſilicam ritum illum ſanctiſſimum, non ſine magna adfluentis Populi celebritate, ingentique animi noſtri gaudio perſolvimus. Nam, ut eodem officio ad D. Pauli, ad Lateranenſem, & ad S. Mariæ Majoris Baſilicas noſtro nomine, atque autoritate perfungerentur, Venerabiles tres Fratres Noſtros S. R. E. Cardinales designavimus, & Legatos a Latere creavimus. Itaque diſpenſatione divina factum eſt, ut a ſolemni Anni Jubi-

lei celebritate Pontificatus Nostri ipsa pene initia ducerentur.

Eandem autem rationem nuper etiam Nos ipsi servavimus, cum divinæ Bonitatis largitate ad Natale Servatoris Nos Festum pervenimus, qui dies Portæ Sanctæ claudendæ prisca Summorum Pontificum consuetudine statutus est, eundemque ritum antedicti Cardinales, eodem Legationis honore ornati, in suis quisque Basilicis persequuti sunt. Atque ipse etiam exitus præclare faustissimis initiis respondit.

Benedictus sit omnium bonorum, & omnis egregiæ voluntatis author moderator perfectior Deus, qui Nobiscum misericordiam hanc magnam facere non est dedignatus: Uni trinoque Numini gloria, lausque omnis in hominum memoriam sempiternam; quod in ipso Nostri Pontificatus initio hoc in Nos veluti signum sui favoris extare voluerit, quo ad bene sperandum de re Christiana erigeremur.

Sane in maxima animi nostri perturbatione, quæ dies noctesque angimur ob Ecclesiarum omnium sollicitudinem Nobis, licet immeritis, non perimè demandatam, non leve timori nostro offerri solamen sensimus, quod divina aspirante gratia tantum opus, Urbique huic Nostræ, & Reipublicæ Christianæ universæ tam salutare, feliciter ad exitum perductum esse perspeximus. Exultavimus in Domino, lacrymas etiam lætitiæ indices non semel emisimus, cum Urbis amplissimas vias maxima Fidelium multitudine redundantes intuebamur, quorum omnium una mens esset; divinam sibi misericordiam in fletu & cordis amaritudine conciliare: Mirificè quidem recreabamur, cum intelligeremus, Civium Religionem cum Advenarum pietate mutua inter se æmulatione decerrare: atque illos quidem Christiana erga hospites charitate incitados, nullis impensis pepercisse novimus, nullum refugisse laborem, molestiam nullam averfatos, ut advenientes exciperent, itineribus fractos reficerent, atque omni assiduitate, & cura sublevarent. Hi vero dignam Christiano nomine humilitatem præferentes, habitu ipso atque incessu declararunt, quanto illos fides a patriis Regionibus evocasset, atque ad Sanctorum Apostolorum limina adduxisset. Mirus enim in omnibus ardor cretebat, cum supplicantium ritu Sanctæ Urbis adirent monumenta, cum sacratis liminibus oscula figerent, cum longissimos viarum tractus sacris Psalmorum, atque Hymnorum canticis, flebilique concentu complerent:

ut

ut verè dici, prædicarique possit, nullas ab iis partes esse prætermittas, ut veterem illam Pœnitentiæ formam præfœcis Ecclesiæ Sæculis usitatam, nostra hac ætate repræsentarent.

Illud verò incredibili nostrum animum voluptate perfudit, & præcipuum lætitiæ nostræ addidit cumulum, quod Regium Juvenem Maximilianum Austriacum ad Sanctam Civitatem advenisse conspeximus, & coram alloqui, complectique in Domino potuimus. Cujus egregia indoles præclare instituta, virtutum omnium exempla non pauca, quamdiu apud Nos versatus fuit, Civibus plaudentibus, Exteris admirantibus, edidit, cum præsertim Jubilæi Thesaurum sese locupletare sategerit.

Neque verò Venerabilium Sacerdotum tum Sæcularium, tum Regularium hoc loco prætereunda laus est, quorum opera, diligentiaque potissimum effectum est, ut Pœnitentium multitudini ad misericordiæ fontem quam facillimè aditus pateret. Nam Sacramentum reconciliationis, quod Christus Dominus in Ecclesiâ posuit in Sanguine suo, fideliter, ut par est, administrantes, ægrotorum atque languentium vulneribus mederi nullo unquam tempore destiterunt. Quapropter in Domino confidimus, & certa spe ducimur, solvendi potestatem tempore illo acceptabili quam latissimè ex Apostolica Indulgentia amplificatam, nulli Fidelium in cōdemnationem, plurimis vero ad salutem valuisse. Speramus itaque debiles languore liberatos, ægros ad sanitatem restitutos, devios ad angustum salutis tramitem reductos, omnes denique ita mente, & spiritu renovatos, ut immutabili summoque Bono in Fide, Spe, & Charitate adhærentes, non modo nequitie fermentum omne deposuerint, sed amplissimum etiam Indulgentiarum Thesaurum, qui singulis propositus erat, plenissimè sint consecuti.

In hoc enim Jubilæi summa est, huc recidit illius Anni saluberrima institutio, ut Christi fideles omnes qua bonorum exemplis, qua exhortationum incitamentis, qua crebris iteratque Ecclesiæ Universæ ad Deum precibus excitati, revertentes ad Cor, & Peccatorum in fletu & gemitu pœnitentiam agentes, primo quidem ex Clavium potestate, a culpa penitus liberentur; mox etiam ex Christi Domini, Sanctorumque omnium, & præsertim Deiparæ Virginis satisfactionibus, quarum dispensationem Nobis commissam Divina liberalitas voluit, pœnæ reatu absolvantur.

Uberrius hic fructus, hoc summum Divinæ largitalis Donum, ut ad Fideles omnes perveniret, Nos quidem pro amore illo paterno, quo singulas Dominici Gregis Oves prosequimur, enixis a Deo precibus semel atque iterum singulis ferme diebus flagitavimus, remque ex voto cessisse iis argumentis ad sperandum adducimus, quæ hæcenus commemoravimus. Iterum igitur Patrem misericordiarum, bonorumque omnium largitiorem Deum collaudamus, gratias illi referentes, qui super Nos magnificavit misericordiam suam.

Sed Apostolatus nostri munus haud cumulate explevisse videremur, nisi ad cunctos Ecclesiæ Filios oculos, animumque convertentes, & charitatis spatia dilatantes, illis quoque plenissimam reatum expiationem per Domini Nostri Jesu Christi merita exhiberemus. Quare de Fratrum nostrorum S. R. E. Cardinalium consilio decrevimus, universis Christianis, qui ubique locorum, & gentium sunt; Thesauros Indulgentiarum aperire, eosque ad societatem spirituales hujusmodi boni advocare, & vehementissime hortari, ut dum ad eosdem Thesauros assequendos sese comparabunt, ac pietatis, & debite erga Sedem Apostolicam observantia exempla præferentes, indicis se operibus exercebunt; maculas peccatorum eluant, & magis magisque in conspectu Jesu Christi nitidiores appareant.

Itaque de Omnipotentis Dei misericordia, ac Beatorum Petri & Pauli Apostolorum ejus autoritate confisi, ex suprema ligandi atque solvendi potestate, quam Nobis Dominus, licet indignis, contulit, omnibus & singulis utriusque sexus Christianis in quacumque Mundi parte existentibus, & in Apostolicæ Sedis gratia & obedientia manentibus, etiam iis, qui forsitan elapso anno Romam venerunt, ibique, seu alibi quavis ratione, hoc idem Jubilæum a Nobis concessum adepti sunt, verè poenitentibus & confessis, & Sacra Communionis refectis, qui intra sex menses a die publicationis, præsentium in qualibet Diocesi faciendæ computandos, Ecclesiam ipsius Cathedralis, seu Majorem, aliasque tres ejusdem Civitatis, aut Loci, sive in illius Suburbis existentes, ab Ordinariis Locorum, vel eorum Vicariis, aliisque de ipsorum mandato, designandas, semel saltem in die, per quindecim continuos, vel interpolatos dies, sive naturales, sive etiam Ecclesiasticos, nimirum a primis Vesperis unius Diei usque ad integrum ipsius subsequen-

quentis diei vespertinum crepusculum, devotè visitaverint, ibique pro Sanctæ Matris Ecclesiæ exaltatione, Hæresum exstirpatione, Catholicorum Principum concordia, & Christiani Populi salute & tranquillitate pias ad Deum preces effuderint, ut plenissimam ejusdem Anni Jubilæi omnium peccatorum suorum Indulgentiam, remissionem, & veniam semel consequantur, perinde ac si quatuor Basilicas, seu Ecclesias intra, & extra Urbem, pro consequendo Jubilæo hujusmodi a Nobis designatas, statutis ad id diebus personæliter visitassent, & alia quæ ad hoc requirebantur, adimplerissent, misericorditer in Domino concedimus, & imperamus.

Navigantes verò, & iter agentes, ut, si post elapsos menses hujusmodi ad sua se domicilia, seu aliò ad certam stationem se receperint, supradictis peractis, & visitata totidem vicibus Ecclesia Cathedrali, vel majori, aut Parochiali Loci eorum domicilii, sæ stationis hujusmodi, eandem Indulgentiam consequi possint, & valeant: Necnon prædictis Locorum Ordinariis, ut cum Mortalibus, Oblatis, aliisque Puellis, aut Mulieribus, sive in Monasteriorum Clausura, sive in aliis Religiosis, aut piis Domibus, & Communitatibus vitam docentibus, Anachoretis quoque, & Eremitis, ac aliis quibuscumque tam Laicis, quam Ecclesiasticis Personis, Sæcularibus, vel Regularibus in Carcere, aut captivitate existentibus, vel aliqua corporis infirmitate, seu alio quocumque impedimento detentis, quominus supra expressas visitationes exequi possint, super præscriptis hujusmodi visitationibus tamammodo: Cum Pueris autem, qui nondum ad primam Communionem admissi sint, etiam super Communione hujusmodi dispensare, ac illis omnibus & singulis, sive per se ipsos, sive per eorum, eorumque Regulares Prælatos, aut Superiores, vel per prudentes Confessarios alia pietatis, charitatis, aut Religionis opera in locum visitationum hujusmodi, seu respective in locum Sacramentalis Communionis prædictæ; ab ipsis adimplenda præscribere; atque etiam Capitulis, Congregationibus tam Sæcularium, quam Regularium, Sodalitatibus, Confraternitatibus, seu Collegiis quibuscumque, Ecclesias hujusmodi processionaliter visitantibus, easdem visitationes ad minorem numerum pro suo prudenti arbitrio reducere possint & valeant, earundem tenore præsentium concedimus pariter, & indulgemus.

Insuper iisdem Monialibus, earumque Novitiis, ut sibi ad hunc effectum Confessarium quemcumque, ad excipiendas Monialium Confessiones ab actuali Ordinario Loci, in quo earum Monasteria constituta sunt, approbatum: cæteris autem omnibus & singulis utriusque sexus Christifidelibus, tam Laicis, quam Ecclesiasticis, Sæcularibus, & cujusvis Ordinis, Congregationis, & Instituti etiam specialiter nominandi, Regularibus licentiam concedimus & facultatem, ut sibi ad eundem effectum eligere possint quemcumque Presbyterum Confessarium tam Sæcularem, quam cujusvis etiam diversi Ordinis & Instituti Regularem, ab actualibus pariter Ordinariis, in quorum Civitatibus, Diocæsis, & Territoriis Confessiones hujusmodi excipiendæ erunt, ad personarum Sæcularium Confessiones audiendas approbatum; qui intra dictum Semestris spatium, illas, & illos, qui scilicet præfens Jubilæum consequi sincerè, & serio statuerint, atque ex hoc animo ipsum lucrandi, & reliqua opera ad id lucrandum necessaria adimplendi, ad confessionem apud ipsos peragendam accedant, & in foro conscientie dumtaxat, ab Excommunicationis, suspensionis, & aliis Ecclesiasticis sententiis & censuris a jure, vel ab homine quavis de causa latis, seu inflictis, etiam Ordinariis Locorum, ac Nobis, & Sedi Apostolicæ, etiam in casibus cuicumque, ac Summo Pontifici, & Sedi Apostolicæ speciali licet formæ reservatis, & qui alias in concessione, quantumvis ampla, non intelligerentur concessi, nec non ab omnibus peccatis, & excessibus, quantumcumque gravibus & enormibus, etiam iisdem Ordinariis, ac Nobis, & Sedi Apostolicæ, ut præfertur, reservatis, injuncta ipsis poenitentia salutaris, aliisque de jure injungendis, absolvere: nec non Vota quæcumque etiam jurata, & Sedi Apostolicæ reservata (Castitatis, Religionis, & obligatoriis, quæ a tertio acceptata fuerint, seu in quibus agatur de damno tertii, semper exceptis, nec non pœnalibus, quæ præservativa a peccato nuncupantur, nisi commutatio futura judicetur ejusmodi, ut non minus a peccato committendo refrænet, quam prior Voti materia) in alia pia, & salutaria opera commutare: & cum Poenitentibus hujusmodi in Sacris Ordinibus constitutis, etiam Regularibus super occulta Irregularitate ad exercitium eorundem Ordinum, & ad Superiorum afectionem ob censurarum violationem dumtaxat contracta, dispensare possint & valeant, eadem auctoritate, & Apostolicæ benignitatis amplitudine concedimus, & indulgemus.

Non

Non intendimus autem per præsentates super aliqua, alia Irregularitate vel publica, vel occulta, seu defectu, aut nota, aliaque incapacitate, aut inhabilitate, quoquomodo contractis, dispensare, vel aliquam facultatem tribuere super præmissis dispensandi, seu habilitandi, & in pristinum statum restituendi, etiam in foro conscientia; neque etiam ulli Confessario facultatem absolvendi Complicem in quolibet inhonesto contra sextum Præceptum peccato; aut Complici, Confessarium hujusmodi ad effectum præsentium eligendi licentiam impertiri; ut jam in sæl. recordationis Benedicti XIV. Prædecessoris nostri incipien. *Sacramentum Pœnitentiæ* anno Incarnationis Dominicæ MDCCXLI. Kal. Junii Pontificatus sui Anno I. editis Literis, generaliter declaratum fuit: neque demum easdem præsentates iis, qui a Nobis, & Apostolica Sede, vel ab aliquo Prælato, seu Judice Ecclesiastico, nominatim excommunicati suspensi, interdicti, seu aliàs in Sententias, & Censuras incidisse declarati, vel publicè denunciati fuerint, nisi intra tempus dictorum sex Mensium satisfecerint, & cum partibus, ubi opus fuerit, concordaverint; ullo modo suffragari posse, aut debere.

Cæterum, siqui post inchoatum, hujus Jubilæi consequendi animo, præscriptorum operum implemētum morte præventi, præfinitum Visitationum numerum complere, nequiverint: Nos piæ, promptæque illorum voluntati benignè favere cupientes, eosdem verè pœnitentes, & confessos, ac Sacra Communione resectos, prædictæ Indulgentiæ, & remissionis participes perinde fieri volumus, ac si prædictas Ecclesias diebus præscriptis reipsa visitassent. Si qui autem, post obtentas vigore præsentium absolutiones a Censuris, aut Votorum commutationes, seu dispensationes prædictas, serium illud ac sincerum, ad id aliàs requisitum, propositum ejusdem Jubilæi lucrandi, ac proinde reliqua ad id lucrandum necessaria opera adimplendi, mutaverint; licet propter id ipsum a peccati reatu immunes censi vix possint; nihilominus hujusmodi absolutiones, commutationes, & dispensationes ab ipsis cum prædicta dispositione obtentas, in suo vigore persistere decernimus, ac declaramus.

Sed hujus nostri consilii explicatam rationem mittimus præsertim ad omnes Patriarchas, Primates, Archiepiscopos, Episcopos, aliosque Ordinarios Locorum Præ-

latos, sive ordinariam localem jurisdictionem in defectu Episcoporum & Prælatorum hujusmodi legitime exercentes, gratiam & Communionem Sedis Apostolicæ habentes, per nomen Domini Nostri & Principis Pastorum omnium Jesu Christi obsecramus, atque enixe rogamus, ut Populis suæ curæ ac fidei creditis hoc tantum bonum annuncient, quod inesplicabilem Dei providentiam, summamque erga Nos charitatem ostendit. Etenim qui tam ampla veniæ facultate proposita, si non utatur, eam contemnere existimabitur. & propterea indignus erit, cui Deus misericordiam suam impertiatur. In eam igitur curam incumbant Episcopi necesse est, quæ est propria eorum muneris, & officii, ut Christiani primum per poenitentiam veræ salutis Authori Deo reconciliati, Jubilæi gratiam ad salutem animarum suarum religiosè convertant.

Quod postremum est, ad Charissimos in Christo Filios Nostros Imperatorem Electum, ac Reges, & Principes Catholicos omnes, quorum plerique pro hujus Jubilæi ad eorum Regna atque Dominia extensione suum Nobis desiderium significarunt, supplices, Nobis autoribus, tendit manus Christiana Respublica, ut qua autoritate & potentia præditi sunt, adjumenta omnia præstent ad operandam salutem animarum. Hic enim est finis, quo nostræ Pastorales Curæ diriguntur: Cæterum sic pro eorum sapientia, probe intelligere debent, una Religione tanquam firmissimo fundamento iuncti subditorum Populorum erga Principes obedientiam & fidem.

Præsentibus quoque Literas per omnia validas & efficaces, suosque plenarios effectus ubicumque publicatæ & executioni demandatæ fuerint, fortiri, & obtinere, omnibusque Christianis in Apostolicæ Sedis gratia & obedientia manentibus, in hujusmodi locis commorantibus, sive ad illa postmodum ex navigatione, & itinere se recipientibus plenissimè suffragari volumus, atque decernimus; Non obstantibus de Indulgentiis non concedendis ad instar, & Universalibus, Provincialibus, & Synodalibus Conciliis editis Constitutionibus, Ordinationibus, & generalibus, seu specialibus absolutionibus, seu relaxationibus, ac dispensationum reservationibus, nec non quorumcumque etiam Mendicantium, & Militarium Ordinum, Congregationum, & Institutuum, etiam juramento, confirmatione Apostolica, vel quavis firmitate alia roboratis, statutis, legibus, usibus,

bus, & consuetudinibus : Privilegiis quoque, Indultis, & Literis Apostolicis eisdem concessis, præsertim in quibus caveatur expressè, quod alicujus Ordinis, Congregationis & Instituti hujusmodi Professores extra propriam Religionem peccata sua confiteri prohibeantur; Quibus omnibus & singulis, etiamsi pro illorum sufficienti derogatione de illis, eorumque totis tenoribus, specialis, specifica, expressa, & individua mentio facienda, vel alia exquisita forma ad id servanda foret, hujusmodi tenores pro insertis, & formas pro exactissimè servatis habentes; pro hac vice, & ad præmissorum effectum duntaxat plenissime derogamus; cæterisque contrariis quibuscumque.

Volumus autem, ut earundem præsentium Transumptis, sive Exemplis, etiam impressis, manu alicujus Notarii publici subscriptis, & sigillo Personæ in Ecclesiastica Dignitate constitutæ munitis, eadem ab omnibus fides habeatur, quæ ipsis præsentibus haberetur, si exhibitæ forent, vel ostensæ,

Nulli ergo omnino, hominum liceat paginam hanc nostræ extensionis, hortationis, commissionis, concessionis, derogationis, decreti, & voluntatis infringere, vel ei ausu temerario contraire: Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud Sanctum Petrum Anno Incarnationis Dominicæ Millesimo septingentesimo septuagesimo quinto, Octavo Kalendas Januarii, Pontificatus Nostri Anno Primo.

A. Card. Pro-Datarius.

J. Card. de Comitibus.

V I S A
De Curia I. Manassei.

Loco ✠ Plumbi.

L. Eugenius.

Registrata in Secretaria Brevium.

Anno a Nativitate Domini Millesimo septingentesimo septuagesimo sexto, Indictione octava, die vero Decima Januarii, Pontificatus SSmi Domini Nostri PII PAPÆ VI. Anno Primo, supradictæ Literæ Apostolicæ ad valvas Basilicæ Principis Apostolorum, & Lateranensis, & S. Pauli extra Muros, necnon S. Mariæ Maioræ, prout similiter ad valvas Cancellariæ Apostolicæ, & Magnæ Curia Innocentianæ in Monte Citorio, & in Aie Campi Floræ, ac aliis locis solitis, & consuetis Urbis, dimissi Copiis, ut moris est, affixa fuerunt per Nos Antonium Bescani, & Josephum Pellaccia SS. D. N. PP. Cursores.

Petrus de Ligne Magister Cursum.

...the ...

[illegible]

...the

2. $\frac{1}{2} \times \frac{1}{2} = \frac{1}{4}$ (the probability of getting a head on the first coin and a head on the second coin).



